

ngoenzgeiq hagseng iq

# Ra Seizcin

Gveigangj Si Cinzdangz Gih Mungzgungh Cin  
Gauhean Siujyoz it (2) ban Veiz Yihhangz / 韦依杭

ndwen 3 ngoenz 23 mbwn'gvengq

Ngoenzneix, gou caeuq daxboh daxmeh daeuj daengz ndaw rungj daswyenz ra seizcin.

Rumz dahsau ci gij heiq rangfwdfwd vadauz gvaqdaej, dou itloh gyaep rumz dahsau daeuj daengz lajbya Lingzgeihsan. Va! Dangqnaj gou yawjraen baenz benq baenz benq godauz. Vadauz hoengzgywggywg youq ndaw seizcin riu coh vunz ne! Limqva saek maeq lumj najgemj hoengzww dahsau.

Rumz dahsau ci gij heiq rangfwdfwd vayouz-caiq gvaqdaej, dou itloh gyaep rumz dahsau daeuj daengz reih vayouzcaiq Mbanjyinghgoz. Va! Vayouzcaiq baenz benq baenz benq ingj haeuj da gou daeuj. Vayouzcaiq henjgim youq ndaw rumzcin diuq foux! Limqva henjrwgrwg haenx lumj byoem-gyaiej saek gim dahsau seizcin.

Gou ra raen seizcin lo! De yo youq ndaw vadauz hoengzww; de yo youq ndaw vayouzcaiq henjrwgrwg! Seizcin caen gyaunde! Gou gyaiez seizcin!

## 寻找春天

3月23日 晴

今天，我和爸爸妈妈来到大自然的怀抱里寻找春天。

风姑娘吹来了桃花的芳香，我们追随风姑娘一路来到灵龟山脚下。哇！大片大片的桃树林出现在我的眼前。红彤彤的桃花在春风里笑着！那粉嫩粉嫩的花瓣像姑娘红润润的脸颊。

风姑娘吹来了油菜花的清香，我们追随风姑娘一路来到英峨村的油菜花田。哇！大片大片的油菜花出现在我的眼前。黄灿灿的油菜花在春风里跳舞！那金黄色的花瓣就像春姑娘金色的头发。

我找到春天了！她藏在红彤彤的桃花里，她藏在金灿灿的油菜花里！春天多美啊！我爱春天！

(lauxsae son raiz: Veiz Caij-fangh / 指导老师：韦彩芳)



▲Bouxraiz Veiz Yihhangz.

(doz dwg lauxsae son raiz hawj)


## Mbat Haenx, Gou Najmong Lai

Saedcej miz van miz soemj miz haemz miz hoj: Aenvih gyaiez cix gamjdoengh, aenvih lijgaj loeng cix siengsim, aenvih saetbaih cix doeknaiq. Mbat haenx, gou najmong lai! Ngoenzhaenx, gou gaen daxboh bae dieghong de guhcaemz. Dou ngamq daengz dieghong, daxboh sikhaek vid genbuh, riu aen doengj iq ndeu, dauj gij mbahoi roengz doengj bae, caiq aenq raemxsaw gya roengzbae gyaux, riengzlaeng benz hwnj aenlae, hainduj gvat ciengz.

Banringz, daengngoenz gangq deih manh-saengsaeng, goliux naiqnueknuek ngaem gyaiej roengz, duzroeg youq ndaw raemhfaex ndoj ndit, duzma iet linx diemheiq fofo…… Mbwn ndat yaek dai! Gou siengj bae cawx bingz raemx ndeu gwn, gwn bingz raemx gyoetcat, itdingh “sangj-hwdhwd”!

Gou bae daengz najranz, hemq: “Boh, hawj gou haj maenz cienz vei! Gou bae cawx bingz raemx ndeu gwn.” Daxboh mbouj guhsing, daj gwnz lae menhmenh roengzdaej, cuengq doengj, cuengq ndei fagcat, daj ndaw daeh uqatat de mbon mbaw cienz hajcib maenz gaeuqgatgat ndeu okdaej, riuwhw ndenq hawj gou naeuz: “Aeu bae, gijlw gag louz cawx doxgaiq yungh hagsib.”

“Gwnzbiengz cijmiz daxboh ndei, miz boh bouxlgw lumj gaiq bauj……” Seiz gou doq ciengq go, doq gwn yinjliu byaij dauqma, fwt yawjraen laengndang daxboh. Gwnz byoemgyaeuj de nem caengz faenx ndeu, raemxhanh gaenq daj byaibyem



lae daengz laj hoz lo, lae baenz diuz baenz diuz riz; gwnz buh de nem baenz naed baenz naed raemxhoi, miz mbangj giz lij muz byoengq congh lo, de daengx ndang cungj dumz hanh liux. Neix dwg daxboh gou

ha? Gou yaepyet gangj mbouj ok coenz, sawqmwh siengj daej. Cungj siengj daej neix caeuq nanzgvaq le daej, utheiq le daej, guh'unj le daej cungj mbouj doengz. Gou vaiq byaij dauq cauhsi, bang daxboh cawx le bingz raemxcaznding gyoet de cei q haengj gwn ndeu ……

It diemj, song diemj, sam diemj…… Cig daengz roek diemj, daengngoenz roengzbya le, daxboh cij guh hong sat, lauxbanj hawj le 120 maenz. Daxboh cukcuk guh le roek aen cungdaez ha! Cij hawj 120 maenz, gij cienz neix daiq nanz ra loba?

Daxboh riuq doengj bae swiq, gou mbouj guhsing riengz baihlaeng. Gou sawqmwh raen song mbaq de sang daemq mbouj bingz, haengjdingh dwg aenvih yaengx fwngz gvaz gvat naezhoi nanz lai. Laenghwet de hix miz di gungj, gwnz hoz miz baenz diuz baenz diuz raiz laeglumx. Geu ndit daengngoenz baez ciuq, gij byoemhau de daegbied coegda. Gou dungx miz di soemj, aen sim lumj deng nyauj nei, inndumndum. Daxboh sinhoj baenz buenq ngoenz cij ndaej 120 maenz, hoeng gou bingzseiz yungh cienz daih saengq daih sai, gwn yinjliu, cawx ceijnem'iq, cawx cagcugbyoem vava loegloeg…… Mbouj rox mbouj nyinh, gou raemxda rim gvaengz.

Mbat haenx, gou najmong lai. Gou rox daxboh mbouj heih, rox de gyaiez gou lailai. Gou hix rox, danmiz au cingzeik ndei cijndaej bauqdap gij sinhoj daxboh—— Daxboh gou cei q gyaiez!

(Vuz Swhdungz raiz / Nungz Cinfung hoiz)